


光緒辛巳重脩

孟縣志



試院藏板

重修孟縣志序

自古有關於世教之書雖
稗官野史太史氏亦必輶
軒採之陳諸黼座被諸管
絃所以資政教勵風俗者
意至深也况志之一書類

乎國史而紀載流傳尤為
一鄉一邑之實蹟歟作者
固難述者亦復不易蓋作
者之難難於規模之未定
無以開先述者之難難於
簡覈之未精無以傳信使

守斯土者憚其難而留以
待後年湮代遠後之人將
有辭以謝之則咎有專歸
也光緒己卯蒙

爵撫部院曾於救荒之暇
思善俗之方札飭闔晉邑

寮纂修志書以輯通志誠
數百年來罕有之盛舉也
次歲庚辰四月 命予署
斯邑篆抵任後檢點公牘
閱及修志大端頭緒紛繁
尚未就理心惄然竊念前

任雷君怡齋石君子軒皆
文苑之英詞林之選接經
承修旋以奉檄調遷未獲
始終如予之不敏深虞蚊
負而憲諭煌煌責難旁
代爰集邑之賢士大夫共

勸此舉蓋艱鉅之任不得
不借攻錯於他山也詳稽
前志創自明邑茂才張君
淑譽詢堯書簡成一家言
嘉靖三十年明府萬君訪
求遺書而檢閱之相與討

論詳明折衷諦當是孟志
之初修也迄至我

朝康熙己卯邑侯蔡東巖氏

倡議重修大加纂輯是孟
志之再修也復屆八十載
適有邑令胡君請於上聘

名儒而總輯之以調繁去
未遂其願繼之者周大令
因病假解組半途輒止壬
寅夏京江何藕堂氏庖代
斯土不以五日京兆懈經
營半載未底於成迨後馬

依萱大令除授茲邑力肩
其任乃聘南豐雲衣吳公
主其稿亡者補之謬者正
之孟之志始燦然大備則
修之再而三矣計自萬君
興修以來年歷三百歷經

手訂其間天文地輿人物
以及建置沿革損益之大
端無不次第備舉予何敢
復贊一辭惟自依萱馬君
及今又百餘年矣而滄海
桑田世多更變大之則忠

孝節義未闡揚也細之則
著述文章多散軼也又况
科名仕宦之風蒸蒸日上盛
儻今不載後之人其孰從
而求之余懼矣懼夫是書
之修責任綦重非一二人

所克勝也然猶幸諸君子
和衷共濟理繁者不辭勞
瘁秉筆者不避嫌疑兢兢
業業歷久弗懈寒暑兩易
厥功告成行將是編供之
上游以備通志採擇則責

卸矣此余之幸也抑余以
署篆於斯日期促迫人地
生疎得與修斯邑文獻之
編幸獲箴事是又幸中之
幸也是為序

光緒七年中秋署孟縣事

山左張嵐奇雨屏氏撰

重修孟縣志序

邑志上稽往代下示來茲
微事致亡同於信史是以
列郡有風土之紀

朝廷大一統之規誠盛典也
孟本晉舊壤并州名

區烏河濤秀崔嶺鍾靈
文物彬華發冠全異英
偉願彥代不乏人第修
志迄今幾百年矣其間
忠義孝友名賢往蹟種
上懿範亟宜表揚以期勵